

Universitätsbibliothek Paderborn

Antidota Apostolica contra nostri temporis hæreses

In quibus Loca illa explicantur, quæ Hæreticj hodie (maximè Caluinus & Beza) vel ad sua placita stabienda, vel ad Catholicæ Ecclesiæ dogmata infirmando ...

In Acta Apostolorum to. primus

Stapleton, Thomas

Antverpiae, 1595

4. Factus est numerus virorum quinque millia.

urn:nbn:de:hbz:466:1-39424

CAP. IIII.

4. *Factus est numerus virorum quinque millia.*

EXTELVAT hanc cōuerzionem Caluinus dicens: *Quum addit Lucas, numerum credentium circiter ad 5. millia creuisse, id potius de tota Ecclesia quam de noua accessione intelligendum est.* Quasi verò aut Lucas quotidianas accessiones subducto calculo annotauerit, aut textus ipse disertè non loqueretur de ijs qui audierunt vērbum, id est, Petri hanc secundam concionem, aut denique difficilius credendum sit in 2. concione 5000. fuisse conuersa quām in prima concione 3000. Sed hæc est Caluini incredulitas. Recordor hoc loco quid in Anglia nostra me adolescentे contigerit. Quum prima illic in religione innouatio fieret, linguaqué vernacula omnia in Ecclesijs legi cœpissent; Minister quidam historiam Euangelicam legens de quinque millibus hominum ex 2. piscibus & 5. panibus à Christo saturatis, pro quinque millibus legit quingentos. Erroris ab astante edituo admonitus, Tace, inquiebat: bene se res habet si vel quingentos tam paucis panibus ac piscibus saturatos fuisse, populus iste credit. Talis est hodie Caluinistarum fides.

D 3

12. Nos